



CUSD DAIM NNTAWV QHIA COV KOOM HAUM NTAWM COV NYIAJ TXIAG LOS NTAWM TSOOM FWV RAU CAIJ KAWM 2022-2023

Ib xyoos twg hauv paus tsev kawm ntawv Clovis (CUSD) tau xa ib cov ntaub ntawv thov nyiaj txiag pab rau txhua lub hom phiaj qhia ntawv uas hu ua, ConApp. Daim ntawv thov ntawd muab cais ua ob ntus: ntu I, yog piav txog cov hom phiaj qhia ntawv thiab cov tswv yim dhia dej num, daim no yuav xa tawm mus thaum Lub 6 Hli Ntuj Hnub Tim 30, txhua lub xyoo; ntu II piav txog nyiaj txiag yuav siv thiab ntxiv rau lwm lub hom phiaj, yog muaj, daim no xa tawm mus thaum Lub 1 Hli Ntuj Hnub Tim 1, txhua lub xyoo. Cov hom phiaj sib txawv muaj nyob rau hauv daim ntawv thov ntawd yog Title I, Part A – (pab kev kawm ntxiv rau tej yam uas kawm poob qab lawm, Title I, Part C –kev kawm rau tsoom Migrant, Title II, Part A – Kev Pab Txhawb Kev Qhia Ntawv Title III – Lub Khoos Kas rau Cov Tub Ntxhais Kawm Lus AsKiv (EL), thiab Cov Tub Ntxhais Tuaj Txawv Teb Chaw. Tes nyiaj txiag ntawd yog yuav coj los siv pab cuam rau kev qhia ntawv kom txhua tus tub ntxhais kawm ntawv tau kawm raws li tus cai kawm ntawv hauv lub xeev.

Hauv paus tsev kawm ntawv Clovis tau tsim kev sib koom tes nrog rau txhua lub tsev kawm ntawv ntawm txhua pab pawg hauv zos Clovis kom los ua lub tseem zog txhawb kev kawm. CUSD ua tus txha nqaj qaum thiab tuav tswv yim. Tsoom niam txiv ua cov tswj qhia tub ntxhais kawm ntawv npaj lawv lub neej, peb sawv daws ua cov pab txhawb. Luag soj ntsuam pom tias, txoj kev peb pab peb tus kheej cov tub ntxhais kawm ntawv xwb kuj tsis zoo npaum li cas, tseem yuav tsum muaj tej tub ntxhais kawm ntawv sab nraud los nrog pab ntxiv thiab. Tsoom niam txiv sib pab ua tau ib yam zoo kawg los pab tsoom tub ntxhais kawm ntawv kawm ntawv hauv Clovis!

CUSD zoo siab nthuav tawm thiab tso cai rau tsoom niam txiv los muaj feem xyuam raus tes muab tswv yim pab rau txhua lub hom phiaj, cov nyiaj txiag txais tau, txawm tias yog siv rau yam twg los xij, tsev kawm ntawv, cov koom haum, tej pab pawg, yuav tsum muaj ib txog cai, los puas ib pab los tswj. Cov koom haum hauv CUSD uas yuav los tswj ntawd muaj xws li:

Koom Haum Pab Pawg Niam Txiv Saib Xyuas Nyiaj Txiag (SSC)—*School Site Council*

Koom Haum Pab Pawg Tawm Tswv Yim pem District (DAC) thaib Koom Haum Pab Pawg Tawm Tswv Yim pem Tsev Kawm Ntawv (SAC)—*District Advisory Committee & School Advisory Committee*

Koom Haum Pab Pawg Niam Txiv Muaj Tub Ntxhais Kawm Lus AsKiv (ELAC)—*English Learner Advisory Committee*

Koom Haum Pab Pawg Niam Txiv Muaj Tub Ntxhais Kawm Lus AsKiv pem District (DELAC)—*District English Learner Advisory Committee*

Koom Haum Pab Pawg Niam Txiv rau Cov Tub Ntxhais Khab (IPAC)—*District Indian Education Parent Advisory Committee*

Tsev thiab District Pab Pawg Saib Xyuas Cov Qhia Nia (SART)—*School and District level School Assessment Review Team*

Koom Haum Pab Pawg Neeg Txawv Kab Lis Kev Cai Ntau Haiv Neeg (IDAC)—*Intercultural and Diversity Advisory Council*

Roaj Sib Tham Tawm Tswv Yim rau Local Control Accountability Plan (LCAP)—*Local Control Accountability Plan Public Forums*

Peb thov caw tsoom niam txiv kom muaj siab los nrog paub txog lawv tus tub ntxhais kawm ntawv txoj kev kawm ntawv ntawm nws chav kawm, ntawm lub tsev kawm ntawv saib yog qib twg, ntawm suam chaw nws nyob. Txhua lub tsev kawm ntawv nyias muaj nyias ib lub hom phiaj loj rau tub ntxhais kawm ntawv kawm ntawv kom kawm tiav log (SPSA) nrog rau tej lub hom phiaj kawm pab. Niam txiv kev nrog koom tes yog ib qho tseem ceeb tshaj, los pab txhawb kom lub hom phiaj ntawm SPSA hlob ruaj thiab pab txhua lub hom phiaj qhia uas muaj qhia pab. Nyob rau pem theem district, koom haum rau cov niam txiv yuav los tawm tswv yim pab rau txhua lub tsev kawm ntawv hauv SPSA. Yog tias koj xav paub ntxiv txog ntawm lub koom haum niam txiv thiab tej pab pawg, hu tau rau koj tus tub ntxhais kawm ntawv lub tsev kawm ntawv. Tus Thawj Tswj tsev kawm ntawv, tus tua hom phiaj qhia (GIS) yuav txaus siab teb nej cov lus noog.

Cov koom haum yuav tham los nram no, ntau lub yog koom haum niam txiv uas saib xyuas txog cov hom phiaj qhia sib txawv thiab txog tes nyiaj txiag.

Koom Haum Pab Pawg Niam Txiv Saib Xyuas Nyiaj Txiag (SSC): Tas nrho cov tsev kawm ntawv uas muaj cov khoos kas uas tsoom fvw tau pab nyiaj txiag uas los ntawm daim ntawv thov nyiaj txiag (ConApp) yuav tsum muaj ib lub koom haum pab pawg niam txiv saib xyuas nyiaj txiag (SSC). Lub koom haum SSC yuav tsum tsim cov hom phiaj thiab ntsiab lus ntawm daim SPSA. Daim SPSA yuav tsum muaj coj los siab dhua txhua xyoo thiab kho, nrog rau cov tswv yim thiab kev xav los siv cov nyiaj txiag uas muaj pa blub tsev kawm los ntawm kwv thov nyiaj tiag ntawv tsoom fvw daim ConApp thiab daim local control and accountability plan (LCAP), yog muaj, los ntawm pab pawg SSC. Lub koom haum SSC yog muaj cov niam txiv, tub ntxhais kawm pem qib siab thiab cov neeg ua hauj lwm. Nws txoj hauj lwm yog los tsim, tswj thiab ntsuas xyuas cov khoos kas nyob hauv daim Single Plan for Student Achievement. Cov tswv caub ua tuav nws txoj hauj lwm rau ob xyoo thiab xaiv tsa los ntawm cov niam txiv.

Koom Haum Pab Pawg Tawm Tswv Yim pem District (DAC) thaib Koom Haum Pab Pawg Tawm Tswv Yim pem Tsev Kawm Ntawv (SAC): Lub koom haum SSC kuj ua hauj lwm ib yam li koom haum SAC. Koom haum SAC txoj hauj lwm yog pab tawm tswv yim pab cov tsev kawm ntawv uas tau tsim muaj ntau lub hom phiaj qhia pab, lawv kuj ua cov cev lus sib cuag nrog rau cov tsev kawm ntawv ntawm lawv suam zos. Lawv tshaj xo thiab muab cov tswv yim ntawm cov tsev kawm ntawv los sib qhia. Cov hom phiaj qhia pab no yog coj los qhia pab rau tsoom tub ntxhais kawm ntawv kawm ntawv uas kawm poob qab los puas caum tsis tshua cuag lub niam hom phiaj loj, rau tsoom tsis paub lus as mes lis kas zoo thiab pab rau tsoom hluas uas muaj teeb meem kawm tsis tiav. Koom haum SSC tau pom zoo tias raws li tsab cai qhia ntawv hauv Kas Lis Fos Nias no (EC) Feem 52852 pub peb lub koom haum SSC los khiav hauj lwm li lub koom haum muab tswv yim (SAC).

Koom Haum Pab Pawg Niam Txiv Muaj Tub Ntxhais Kawm Lus AsKiv (ELAC): Txhua lub tsev kawm ntawv uas muaj tshaj li 21 tug tub ntxhais kawm ntawv kawm lus as mes lis kas, yuav tsum tsa kom muaj lub koom haum ELAC. Koom haum muaj niam txiv, tsoom ua hauj lwm hauv tsev kawm ntawv. Lub koom haum ELAC hais kom tus Thawj Xib Fwb, cov neeg ua hauj lwm thiab pab pawg SSC paub txog cov kev pab cuam rau cov tub ntxhais kawm lus AsKiv thiab los pab nrog kev tsim daim ntawv tshawb fawb txhau xyoo. Txhua tus tswv cuab ua tuav nws txoj hauj lwm rau ob xyoo. Txhua pab pawg ELAC yuav muaj fwm tsam los xaiv tsa ib tus tswv cuab mus koom cov pab pawg District English Learner Advisory Committee (DELAC).

Koom Haum Pab Pawg Niam Txiv Muaj Tub Ntxhais Kawm Lus AsKiv pem District (DELAC): Yog thaum twg muaj txog los tshaj 51 tug tub ntxhais kawm ntawv EL nyob hauv zos, yuav tsum tsa kom muaj lub koom haum loj, los saib xyuas tas nrho lub zos; lub koom haum ntawd yuav hu ua Koom Haum Pab Pawg Niam Txiv Muaj Tub Ntxhais Kawm Lus AsKiv pem District (DELAC). Ib

qho tseem ceeb tshaj, txhua lub ELAC yuav tsum xaiv nws tus sawv cev mus ua tswv cuab nyob hauv lub DELAC thiab yuav nrhiav caij nyooog rau nws mus koom kom tau DELAC txhua lub rooj sab laj. Koom haum DELAC tsab cai, tus sawv cev mus ua tswv cuab hauv DELAC yuav tsum yog, ib tug niam los txiv, los ib tug saib xyuas tub ntxhais kawm ntawv kawm hauv EL, los puas yog ib tug uas yeej tau kawm nyob hauv EL los lawm (i.e. yuav tsum yog tus uas luag twb lees paub tias nws kawm tau paub lus zoo lawm 2) yuav tsum yog tus raug xaiv ua tus sawv cev hauv DELAC representative los ntawm ELAC los.

Koom Haum Pab Pawg Niam Txiv rau Cov Tub Ntxhais Khab (IPAC): CUSD Pab Pawg Niam Txiv rau Cov Tub Ntxhais Khab muaj rooj sib tham los sib tsib plaub zaug rau ib xyoo los tham txog cov teeb meem ntawm lub khoos kas, cov kev pab cuam uas muaj, thiab lwm yam khoom los pab cuam kev kawm rau cov tub ntxhais kawm kom mus tau zoo, cov lag luam hauv zej zog thaib cov koom haum uas muaj khoos kas. CUSD Lub Khoos Kas ntawm Kev Kawm rau Cov Tub Ntxhais Khab los hais qhia txog cov kev pab cuam ua xav tau los ntawm cov tub ntxhais kawm uas yog Khab thiab cov Alaskan Native nyob rau qib K-12. Lub khoos kas yog los pab rau cov tub ntxhais uas tsim nyog rau li txoj cai kom tau txais kev pab kom lawv kwm ntawv cuag li lwm tus tub ntxhais kawm lawv qib raws li hom phiaj los ntawm lub xeev rau tas nrho cov tub ntxhais kawm qib pre-K-12.

Rooj Sib Tham Tawm Tswv Yim rau Local Control Accountability Plan (LCAP): CUSD tsim daim LCAP txhua xyoo hauv lub 6 Hli Ntuj los ntsuam cov kev npaj ntawm cov kev kawm thiab cov nyiaj txiag muaj raws li ntawm kev pom zoo los ntawm CUSD Pab Pawg Tswj Cov Tsev Kawm Ntawv. Thov caw cov niamtxiv thiab lwm cov pab pawg neeg uas muaj feem cuam nrog kev tawm tswv yim tauj koom tes pab tawm tswv yim los tsim daim LCAP ntawm kev koom tes hauv tsev kawm ntawv thiab lub district cov rooj sib tham. Cov rooj sib tham LCAP pem tsev kawm ntawv thiab pem District yogi b lub caij nyooog zoo rau tag nrho cov neeg uas muaj feem nrog kev tawm tswv yim thiab cov pab pawg pem tsev kawm ntawv tauj sib txuas lus nrog lub District thiab pab tawm suab thiab tswv yim seb CUSD los muab fwm tsam los pab cuam rau cov tub ntxhais hlaus thiab cov tsev kawm ntawv hauv CUSD li cas. Kev koom tes thiab cov lus hais los ntawm lub zej zog hauv cov rooj sib tham no yuav pab Lub District los saib xyuas ntawm kev siv nyiaj txiag rau cov xyoo yav pem suab.

Cov rooj sib tham no yog tsim los muab fwm tsam rau cov zej zog pem tsev kawm ntawv los mloog txig CUSD kev pab cov tub ntxhais hlaus thiab cov tsev neeg tam sis no thiab muab sij hawm los tawm tswv yim thiab tawm suab rau cov kev npaj thiab fwm tsam rau yav pem suab. Cov tsev kawm ntawv muaj fwm tsam los sib tham ua ke los tawm tswv yim tshiab los pab cov tub ntxhais kawm ntawv thiab npaj rau kev koom tes pem tsev kawm ntawv thiab kev nqis tes hauj lwm.

Qhov ntxiv mus no yog lub zaim muag ntawm cov nyiaj txiag pab rau cov hom phiaj sib txawv thiab cov hom phiaj hauv CUSD. Cov nyiaj txiag no tseem yuav muaj sib tham ntxiv thiab tshaj rau txhua lub koom haum SPSA ntawm txhua lub tsev kawm ntawv thiab tej pab pawg thaum tuaj ua rooj sab laj.

Nyiaj txiag siv (Rationale)

Pob tseem nyiaj loj yuav siv yog siv rau lub niam hom phiaj loj hauv tsev kawm ntawv xwb. Txhua tus tub ntxhais kawm ntawv tuaj kawm ua ke hauv ib lub tsev kawm ntawv kuj sib txawv, lub niam hom phiaj loj npaj qhia, tus puav kuj cawm tsis cuag, kawm tsis tau, vim yog: txoj kev pluag, ib txhia vim tsis paub lus as mes lis kas vim lawv hais lwm xeev lus lawm. Tsoom tub ntxhais kawm ntawv hais los no, yuav tsum nrhiav ntau txoj kev pab ntxiv, yam hom phiaj pab ntxiv thiab cov toob xib pab ntawd yeej tsis muaj nyob rau hauv lub niam hom phiaj loj li. Li ntawd, thiab li yuav nrhiav hom phiaj qhia pab, toob xib puaj yam los qhia pab kom lawv kawm tau raws li lawv lub hom phiaj kawm thiab raws li txoj cai kawm ntawv. Tes nyiaj txiag pab hom phiaj sib txawv yog siv los pab kev qhia pab ntxiv rau tsoom tub ntxhais kawm ntawv ntawd.

Tswv yim kev ntse (Philosophy)

Txhua lub tsev kawm ntawv CUSD nrhiav hom phiaj qhia pab kom zoo tsim nyog rau txhua tus tub ntxhais kawm ntawv kom kawm tau mus tob nyob hauv txhua yam, kom caum cuag lub niam hom phiaj loj. Cov nyiaj pab hom phiaj sib txawv no, yog coj los pab kev qhia pab ntxiv rau cov tub ntxhais kawm ntawv kom caum cuag cov tub ntxhais kawm ntawv kawm ua ke hauv nws chav thiab caum cuag lub niam hom phiaj loj. Lub zaim muag kuj yog coj los siv yuav toob xib puaj yam los qhia, ntiav neeg qhia, kev coj qhia rau tsoom xib hwb. Tsoom xib hwb los kuj yuav tau kawm kom paub qhia tsoom tub ntxhais kawm ntawv no kom zoo tshaj, mas thiab li yuav qhia tau tsoom tub ntxhais kawm ntawv no kom kawm tau zoo thiab tiav log raws li lawv lub hom phiaj kawm ntawv.

Piav Qhia Txog Cov Khoos Kas Uas Los Ntawm Cov Nyiaj Txiag Tsoom Fwv Muaj

1. **Kev ruaj ntseg nyab xeeb tom qab kawm ntawv tas thiab tes nyiaj txiag (ASES):** Lub xeev yuav pab nyiaj txiag li peb lub xyoo sib law los qhia cov hom phiaj qhia pab ntxiv, tom qab kawm ntawv tas, yog pab tus tub ntxhais kawm ntawv kom nce tau qib thiab caum cuag lub niam hom phiaj loj raws li kev kawm hauv lub xeev. Lub zaim muag cov hom phiaj ntxawm ASES yog tej yam kev kawm pab ntxiv thiab kuj yog kawm txog kev sib fim, kev kaj huv nyab xeeb, ib puag ncig ntawm yus. Lub zaim muag ntawm cov hom phiaj no yog: 1) pab kom kawm nce qib tau, kawm tiav log thiab 2) Pab tswv yim kev ntse los txhawb tus tub ntxhais kawm ntawv kev kawm kom nkag tau txhua lub hom phiaj kawm raws li txoj cai kawm ntawv.
2. **Title I, Part A (Pab kev kawm kom tiav log rau cov poob qab):** Tseem hwm tes nyiaj txiag yog coj tuaj pab cov tsev kawm ntawv, uas tseem txom nyem, kom tsoom tub ntxhais kawm ntawv kawm ntawv tau txais kev kawm zoo thiab siab, raws li lub xeev txoj cai kev kawm ntawv thiab lub niam hom phiaj npaj tseg.
3. **Title I, Part A, Title X, Part C, Kev qhia ntawv rau tsoom tub ntxhais kawm ntawv nia txiv tsis muaj tsev nyob thiab tsoom hluas:** Title I, Part A tes nyiaj txiag yog siv coj los pab tsoom tub ntxhais kawm ntawv niam txiv tsis muaj vaj tse nyob, kom lawv tau txais kev kawm ntawv ib yam li lwm pab tub ntxhais kawm ntawv thiab. Cov hauj lwm no yog kev pab thiab kev qhia ntawv pab rau tsoom tub ntxhais kawm ntawv kawm hauv cov tsev kawm ntawv dawb los tsev kawm ntawv ntiav, thiab nyob tas qhob txhia chaw, uas tsoom niam txiv tsis muaj vaj muaj tsev nyob, tsis tas li ntawd, tseem pab rau tsoom tub ntxhais kawm ntawv txhoj puab, raug xa mus kawm lwm lub tsev kawm ntawv. Cov chaw no tsis yog txoj cai npaj tseg.
4. **Title I, Part C (Hom phiaj kawm hauv Migrant):** Yog ib lub hom phiaj kawm ntawv uas yog tseem hwm pab nyiaj qhia ntawv rau tsoom tub ntxhais kawm ntawv kawm ntawv tsis ruaj rau ib qho chaw twg, vim niam txivtsiv mus tsiv los raws lawv txoj hauj lwm.
5. **Title II, Part A (Npaj, kev cob qhia, nrhiav tsoom xib hwb, tsoom thawj tswj tsev kawm ntawv kom tsim nyog):** Nyiaj txiag pab lub hom phiaj txais xib hwb thiab thawj tswj tsev kawm ntawv thiab cob qhia.
6. **Title III (Qhia lus rau tsoom kawm lus as mes lis kas (ELs) thiab tsoom nkag teb chaws Yog ib lub hom phiaj tseem hwm pab nyiaj rau tsev kawm ntawv kom qhia lus as mes lis kas rau cov tub ntxhais kawm ntawv tsis paub lus as mes lis kas zoo)** (English learners) thiab rau tsoom tub ntxhais kawm ntawv niam txiv nkag teb chaws, kom lawv tau kawm ntawv ib yam li txhua tus tub ntxhais kawm ntawv kom raws li txoj cai kawm ntawv hauv lub xeev.

7. **Title VII (Nyiaj txiag rau Indian kev kawm yog ib lub hom phiaj kawm tseem hww pab nyiaj txiag):** Yog ib lub hom phiaj kawm tseem hww pab nyiaj txiag los qhia tsoom tub ntxhais kawm ntawv niam txiv yog neeg txawm teb chaws thiab rau tsoom tub ntxhais kawm ntawv txawm nyob Alaska, kom cov ntawd tau txais kev kawm ib yam li lwm pab tub ntxhais kawm ntawv thiab kom raws li txoj cai kawm ntawv hauv lub xeev.

Lub hom phiaj ntawm CUSD cov neeg ua hauj lwm yog los tsim thiab tswj kom mus kev qhia ntawv zoo tshaj plaws li zoo tau. Kom mus cuag li lub hom phiaj no yog yuav tsum muaj kev pab txhawb thiab cov tswv yim los ntawm koj. Yog hias tias koj muaj lus nug, kev txhawj xeeb, los yog xav muaj kev koom tes nrog kev kawm nyob rau pem koj lub tsev kawm ntawv, thov hu rau Tus Thawj Xib Fwb pem koj lub tsev kawm ntawv. Koj lub tsev kawm ntawv yuav pab tau koj kawm ntxiv txog cov koom haum ntawm cov nyiaj txiag los ntawv Tsoom Fwv. Koj kuj xav muaj kev koom tes nrog koj lub tsev kawm ntawv Lub Koom Haum Pab Pawg Niam Txiv Saib Xyuas Nyiaj Txiag (SSC), Lub Koom Haum Pab Pawg Niam Txiv Muaj Tub Ntxhais kawm Lus AsKiv (ELAC), thiab/los sis muaj koom lub rooj sib tham Txhua Xyoo rau Cov Niam Txi pem lub tsev kawm ntawm Title I. Raws li lub caij nplooj ntoo poob, txhua lub tsev kawm ntawv yuav xa cov ntaub ntawv qhia txog cov koom haum thiab rooj sib tham rau koj paub. Pem theem district, peb txhawb kom koj tuaj koom tes nrog pem lub koom haum DELAC. Peb txhawb thiab cia siab rau koj kev koom tes hauv cov khoos kas peb muaj nrog pe blub zej zog. Yog hais tias koj muaj lus nug, thov hu rau koj tus tub ntxhais kawm ntawv lub tsev kawm ntawv. Cov ntaub ntawv qhia ntxiv txog cov khoos kas nyob rau ntawm <http://www.cusd.com/supplementalservices>.

